



ТАСДИҚЛАЙМАН”

Тошкент шаҳар статистика  
бошқармаси бошлиғи

Д.Б.Шерматов

16 октябрь 2017 йил

**Тошкент шаҳар бошқармасининг  
“Инвестиция ва қурилиш статистикаси  
бўлими тўғрисида”ги  
НИЗОМ**

**1-боб. Умумий қоидалар**

1. Мазкур Низом Тошкент шаҳар статистика бошқармаси (кейинги ўринларда Бошқарма деб аталади) Инвестиция ва қурилиш статистикаси бўлими (кейинги ўринларда Бўлим деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек унинг фаолиятини ташкил этиш тартибини белгилайди.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Тошкент шаҳар статистика бошқармаси (кейинги ўринларда Бошқарма деб аталади) нинг таркибий бўлинмаси ҳисобланади.

3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, Ўзбекистон Республикаси Давлат статистика қўмитасининг қарор ва буйруқларига ва “Тошкент шаҳар статистика бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.

4. Бўлим фаолияти инвестиция ва қурилиш соҳасида ривожланишнинг миллий ва минтакавий хусусиятларини ҳисобга олган ҳолда илмий методологияга, халқаро стандартлар ва қоидаларга асосланган, давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларнинг расмий статистика ахборотларига бўлган эҳтиёжини қондирувчи ахборот-статистика тизимининг самарали фаолият кўрсатишини таъминлашга йўналтирилган. Бўлим ўз фаолиятини Бошқарманинг бошқа тармок бўлимлари ва туман статистика бўлимлари билан ўзаро ҳамкорликда амалга оширади.

5. Бўлим ўз фаолиятини Бошқарма бошлиғи раҳбарлигида амалга оширади.

Бўлим ўз ваколатига қирувчи масалалар бўйича Бошқарма бошлиғининг биринчи ўринбосарига бўйсунди.

## 2-боб. Бўлимнинг асосий вазифалари ва функциялари

6. Қуйидагилар Бўлимнинг асосий вазифалари ҳисобланади:

*а) давлат статистикаси соҳасида ягона сиёсатни амалга ошириш, фаолиятни мувофиқлаштириш, функционал тартибга солиш соҳасида:*

иқтисодиётдаги инвестициялар ва қурилиш ҳажмларининг статистик ҳисобини юритишда қиёсий таҳлилий маълумотларни ўз муддатларида сифатли тайёрланишини таъминлаш ҳамда статистик маълумотларни ҳисобга олиш услубиятларини халқаро стандарт ва қоидалар талабларидан келиб чиқиб амалиётга жорий этиб бориш, инвестициялар ва қурилиш статистикаси соҳасида илмий асосланган статистик методологияни ва давлат статистика кузатувлари тизимини режалаштириш, ривожлантириш ва жорий этиш бўйича ишларни ташкил этиш ва мувофиқлаштириш юзасидан таҳлилий таклифлар ишлаб чиқиш;

инвестициялар ва қурилиш соҳасида иқтисодий жараёнларни ўрганиш, кўрсаткичларни умумлаштириш ва таҳлил қилиш;

инвестициялар ва қурилиш статистикаси доирасида Давлат статистика ишларини ишлаб чиқариш дастурининг бажарилишини ўз вақтида ва сифатли таъминлаш;

Бошқарма тармоқ бўлимлари ҳамда туман статистика бўлимларининг инвестиция ва қурилиш статистикаси соҳасида ахборотларни шакллантириш бўйича ишларини ташкил этиш ва мувофиқлаштириш.

*б) халқаро стандартларга мувофиқ, инвестиция ва қурилиш соҳасида илмий асосланган статистик методологияни ишлаб чиқиш ва жорий этишда иштирок этиш;*

илмий асосланган, бозор иқтисодиётининг асосий принципларига мос келадиган ягона статистика методологияси ва инвестиция ва қурилиш кўрсаткичлари тизимини ишлаб чиқишда таклифлар киритиш;

Давлат статистика қўмитасига тегишли давлат статистик кузатуви шаклларини такомиллаштириш бўйича таклифлар киритиш;

инвестиция ва қурилиш фаолияти ҳолати ва ривожланиши бўйича статистик маълумотлар фойдаланувчиларининг талабларини ўрганишда иштирок этиш;

бўлим томонидан статистик ҳисобот шакллари кўрсаткичларини такомиллаштириш юзасидан корхона ва ташкилотлар таклифларини ўрганиш, ҳисобот шаклларига мос ўзгартиришларни киритишда таклифлар киритиш;

*в) статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш соҳасида:*

инвестиция ва қурилиш статистикаси ҳисобот кўрсаткичлари маълумотларининг ишончлилиги, ҳолислиги, комплекслилиги ва тизимлилигини таъминлаш бўйича мониторингини юритиш;

инвестиция ва қурилиш статистикаси бўйича докладлар, тезкор маълумотлар, статистик тўпламлар ва бир марталик маълумотларни тайёрлаш, инвестиция дастурини бажарилишини бориши юзасидан мониторинг олиб бориш;

*г) статистик маълумотлар билан таъминлаш соҳасида:*

давлат органлари ва фуқароларнинг ўзини ўзи бошқариш органлари, юридик шахслар, давлат муассасалари ва халқаро ташкилотлар, шунингдек бошқа фойдаланувчиларни инвестиция ва қурилиш фаолиятига тегишли маълумотлар билан таъминлаш;

инвестиция ва қурилиш статистикаси масалалари бўйича туман статистика бўлимлари ходимлари учун маслаҳатлар ва семинарларни ташкил этиш.

7. Бўлим ўзига юкланган вазифаларни бажариш учун қуйидаги функцияларни амалга оширади:

Инвестиция ва қурилиш статистикаси бошқармаси ва туман статистика бўлимларининг инвестициялар ва қурилиш статистикаси масалалари бўйича ўзларига юклатилган вазифа ва функцияларини самарали амалга ошириш бўйича фаолиятини ташкил этади ва мувофиқлаштиради:

Инвестиция ва қурилиш статистикаси бўйича статистик кўрсаткичларнинг ишончлилигини, ҳолислигини ва киёсийлигини таъминлайди, соҳага оид статистик маълумотларни йиғиш, қайта ишлаш ва сақлаш тизимини такомиллаштиради;

инвестициялар ва қурилиш статистикаси доирасида давлат статистика кузатуви шакллари, уларни тўлдириш тартиблари бўйича тушунтиришларни, статистик кўрсаткичларни такомиллаштириш юзасидан таклифлар тайёрлайди;

статистик тўпламлар ва маърузалар учун инвестициялар ва қурилиш фаолияти бўйича маълумотларни тайёрлайди;

Давлат статистика ишларини ишлаб чиқариш дастурига мувофиқ, Бошқарма раҳбарияти топшириғига асосан ҳамда фойдаланувчиларнинг сўровлари асосида инвестициялар ва қурилиш статистикаси бўйича маълумотлар тайёрлайди;

Бўлим фаолиятига оид статистика услубиятлари, статистика ишларини ташкил этиш масалалари бўйича Бошқарма бўлимларига, туман статистика бўлимларига амалий ёрдам кўрсатади;

инвестициялар ва қурилиш соҳаси амалиётига замонавий ахборот-коммуникация технологияларини жорий этишни амалга оширади, давлат статистика ҳисоботларини электрон тарзда тақдим этилишини бўйича тушунтиришлар беради;

Бўлим ваколатига қирадиган масалалар бўйича тизимлаштирилган электрон маълумотлар базасининг яратилиши ва юритилишини, унинг мунтазам равишда тўлдирилиб ва янгиланиб борилишини таъминлайди.

Бўлим ўзига юклатилган вазифалар ва функцияларни тўлиқ, ўз вақтида ва сифатли бажарилишини Ўзбекистон Республикаси Президенти ва Вазирлар Маҳкамаси, Давлат статистика қўмитаси томонидан белгиланган иқтисодийнинг энг муҳим устувор йўналишларини, иқтисодий ислохотларни янада чуқурлаштириш, таркибий ўзгартириш ва диверсификация қилиш бўйича ишлиб чиқилган дастурларда белгиланган вазифаларни ҳамда Тошкент шаҳридаги ижтимоий ва иқтисодий ривожланишнинг тенденциясини (ҳолатини) ҳисобга олган ҳолда таъминлайди.

### **3-боб. Бўлимнинг ҳуқуқлари ва мажбуриятлари**

8. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

Инвестиция ва қурилиш статистикаси соҳасида кузатувларни ташкил этиш ва услубиятини такомиллаштириш масалалари бўйича Давлат статистика қўмитасига таклифлар киритиш;

Бўлимга юклатилган функцияларни бажарилиши учун керакли бўлган маълумотларни Бошқарма бўлимларидан, шунингдек туман статистика бўлимларидан олиш;

Бўлим ваколатига кирадиган масалалар бўйича Бошқарма бўлимлари ва туман статистика бўлимлари билан ҳамкорлик қилиш;

бошқармалар, идоралар, хўжалик бошқаруви органлари, лойиҳаларни амалга оширувчи гуруҳлар ҳамда бошқа давлат ташкилотларидан Бўлим ваколатига кирувчи давлат статистика ишларини олиб бориш учун зарур бўлган маълумотларни, шунингдек уларга илова этиладиган тушунтиришларни сўраш ва олиш;

инвестиция ва қурилиш статистикаси услубияти ва давлат статистика кузатувларини ташкил этишга алоқадор бўлган масалалар бўйича ахборот-тушунтириш ишларини олиб бориш.

9. Бўлим қуйидагилар учун жавобгар:

ўзига юкланган вазифаларни самарали ва лозим даражада бажариш;

ваколатига кирувчи таҳлилий ва бошқа материалларни юкори даражада тайёрлаш;

Ўзбекистон Республикасининг меъёрий-ҳуқуқий ҳужжатлари тўғри қўлланилишини таъминлаш;

инвестициялар ва қурилиш соҳасига оид статистик маълумотларнинг ишончлилиги, ҳолислиги ва тўлиқлигини таъминлаш;

ташкилот ва давлат сирларининг махфийлигини таъминлаш;

Бошқарма томонидан белгиланган норматив-ҳуқуқий ҳужжатларга мувофиқ Бўлим ходимларининг ижро интизомини таъминлаш.

### **4-боб. Бўлимнинг тузилмаси**

10. Бўлим таркибига бўлим бошлиғи, бўлим бошлиғи ўринбосари, бош мутахассис, етакчи мутахассис ва 2 нафар 1-тоифали мутахассислар киради.

11. Бўлим ишига бўлим бошлиғи раҳбарлик қилади.

12. Бўлим бошлиғи, бўлим бошлиғи ўринбосари ва мутахассислари Бошқарма бошлиғи томонидан Давлат статистика қўмитаси билан келишилган ҳолда лавозимга тайинланади ва озод қиланади.

### **5-боб. Бўлим фаолиятини ташкил этиш**

13. Бўлимнинг иши Ўзбекистон Республикасининг “Давлат статистикаси тўғрисида”ги қонуни, Вазирлар Маҳкамаси томонидан тасдиқланадиган Давлат

статистика ишлари дасури. Давлат статистика кўмитаси томонидан тасдикланадиган Давлат статистика ишларини ишлаб чиқиш дасури, Ўзбекистон Республикаси Давлат статистика кўмитасининг қарор ва буйруклари, Тошкент шаҳар статистика бошқармаси тўғрисидаги Низом мазкур Низом, Бошқарма бошлиғининг буйруклари ва топшириқларига мувофиқ, шунингдек Бошқарманинг иш режалари ва бўлим ходимларининг функционал вазифалари асосида ташкил этилади.

Бўлимнинг иш режаси Бошқарма бошлиғи томонидан тасдикланадиган Бошқарманинг иш режалари асосида шакллантирилади ва тасдикланади.

Ходимларнинг функционал вазифалари Бошқарма бошлиғи томонидан бўлинмага юкланган вазифалардан келиб чиккан ҳолда тайёрланади ва тасдикланади.